



事物紀原

卷

13
1715
8



說苑類	No.	11	宮本氏文庫
	第	8册	
	全册數	11册	

門1如3
號1715
卷11-8



研究室

新刻事物紀原卷之七九六部共一百八十二事
續辨對支銀兩錢唐胡文煥德甫校正
 蘇庫務職局部第三十四九十一事
 水井務之類蘇庫直同文煥丹龍味如曰因詩曰又景
 周禮有凌人掌斬冰三其凌注云凌冰室也其事
 始見於此鄴城舊事有冰井臺魏志云建安十九
 年魏王曹操造此臺以藏冰為凌室故號冰井唐
 上林令掌藏冰職在司農宋朝會要曰建隆三年
 置冰井務隸皇城司也古郊門外建隆二年建
 圖畫局會要曰燕然云羊置餽林園畫則在內中

高為記原卷之七九六部共一百八十二事

宋朝會要曰雍熙元年置翰林圖書院在內中池
 東門裏咸平元年移在右掖門外紹聖二年改院
 為局今堂廢水如舊會要曰慶曆三年
 國信所王曾始置此蓋以燕水滿景德初遣內
 臣排辦禮信四年改初雄州用兵之際每密事擇
 吏主之號機宜司及契丹請和改曰國信司又景
 德四年八月帝謂近臣曰契丹使副到闕見辭及
 館接伴支賜例物并朝廷遣使合行之事並有規
 制行之以二年已成定例可特置管勾往來國信

所下司舊止云排辦禮信所至是立局置印也
 燒朱所要云太平興國三年置
 寺務司宋初淳化四年置
 又曰寺務司淳化四年置
 騏驎院漢有未央周官有十二閑蓋國馬之所也漢有未央廐唐有
 飛龍院宋朝會要曰舊左右飛龍院太平興國五
 年正月改曰天廐院雍熙二年十月改為騏驎院
 估馬司會要曰

宋會要曰估馬司咸平元年置掌納諸州所市馬估直驗記置牧養今廢陝西猶存其局也

糧料院太平興國五年置掌納諸州所市糧料院使會要曰太平興國五年

國初承舊制有糧料院使會要曰太平興國五年正月分糧料諸司馬步軍為三院雍熙四年四月

改用使臣勾當端拱二年改以京朝官主之神宗

元豐末併馬軍步軍為諸軍與諸司為二院

專勾司

又會要云專勾司淳化三年戶部使樊知古奏置

以分三司勾院文案之繁務馬步各一司五年合

為一也

北排岸

又曰北排岸司建隆三年置也

朝服庫

又曰朝服法物庫太平興國二年置分三庫也

裁造院

又曰乾德四年始置裁造院

雜買務

唐德宗置宮市以中官主之國初有市賣司太平

興國四年改為雜買務至道中廢咸平時復置也

雜賣務

又會要云雜賣務景德四年置

懷遠驛

又曰懷遠驛景德三年置以待海南諸國進貢使

介也

文思院

唐有文思院蓋天子內殿之比也其事見畫斷然非工作之所而宋朝太平興國三年始置文思院掌工巧之事非唐制矣會要云青箱雜記曰考工記巢氏掌攻金其量銘曰時文思索故令世工作

之所號文思院

正八作

會要又云舊八作分兩使止一司太平興國二年

分兩司景德四年又併為一司監官通掌天聖元

年始分置官局也

箔場

又曰建隆元年置箔場

二窰務

後漢有甄官至歷代皆有之掌埴瓦之事即今窰務之掌也宋朝會要曰舊有東西二務景德四年

廢於河陰置受納場大中祥符二年復置東密務
受納場為西密務或云太祖建隆中始置二密務

二云
弓弩院

周官有司弓矢隋弓弩署唐為弩坊即今弓弩院
也宋朝會要曰開寶九年置弓弩院

皮剝所
宋朝會要曰皮剝所開寶二年置太平興國二年
店宅務

又曰店宅務國初為樓店務太平興國初改今名

淳化五年分四廂至道二年復為店宅務咸平元
年為都太店宅務大中祥符六年復今名

外物料庫
二舊曰麩麩庫大中祥符七年改為外物料庫

水磨務
又曰水磨東西二務開寶三年置今廢又有大通

亦門務淳化元年置

金耀門書庫
景德三年置以貯三司文案俗曰故紙倉東京記
曰二年置掌三司積年文案舊曰三司文書倉

綾錦院

又曰乾德年以平蜀所得錦二置內綾錦院太平
金興國二年分東西二院端拱元年合為一
布庫

又曰諸州所納布舊係在藏庫建隆元年移置布
水庫在常樂坊也

二染院

唐有染署職在少府後為染坊宋朝會要曰舊染
坊太平興國二年分為東西二染院咸平六年有
司上言西染院水宜於染練乃併之

路

州郡方城部第三十五九二十九事

唐正觀十三年天下州府三百五十八始分為十
道一云在元年併省州縣始因關河近便分置也
唐會要云正觀元年三月十日也開元中又為十
五道宋朝曰路又分為二十四路矣

府

漢制三公開府故稱三府魏晉以後諸王又稱府
唐高祖武德初邊鎮襟帶之地置總管府七年改
曰都督府唐會要云二月十二日也開元三年始

改京兆河南曰府此蓋府之始也注蘇氏演義曰
府聚也聚所在圖籍簿書之處風俗通云公卿牧
守通德之所聚也

州

項峻始學篇曰今皇九頭依山川土地之勢財度
為九州又治書曰今皇始出於提地之國以長九
州為九囿今皇乃有中州此名州之始也周公職
錄圖曰黃帝受命風后受圖割地布九州公革曰黃
帝分州畫野或曰高陽創九州亦云高辛通典曰
唐有九州舜肇十有二州禹又別九州漢以州

部郡唐武德元年廼罷郡置州也注代宗時楊綰
為相定上中下州文宗相韋處厚乃置六雄十望
十緊等州也

縣典曰縣非外周之制也周禮四甸為縣史記秦本紀曰孝公十二年并諸
小鄉聚為縣商君傳曰鞅令邑聚為縣則名縣之
始自秦孝公也陸法言切韻曰楚莊王滅陳以為
縣縣之名自此始秦并天下以郡領縣隋文帝開
皇二年罷郡以縣隸州也注說文曰天子百縣縣
四郡周禮小司徒之制方二十里之地也

郡

秦始皇二十六年初并天下罷侯置守始分三十六郡也注史記曰秦滅東周始置三川郡案說文天子地方千里分為百縣縣四郡左傳曰士大夫受郡秦始以郡監領縣

鎮

通典曰鎮將後周之通班也隋亦曰鎮分分上中下三等歷代未聞疑鎮始於宇文周代也宋朝之制地要不成州而當津會者則為軍以縣兼軍使民聚不成縣而有稅課者則為鎮或以官監之

鄉

周禮六鄉以為軍政謂比閭族黨州鄉也蓋周制矣秦制大率十里一亭十亭一鄉漢以屬縣也

關

周官司徒之屬有司關又有下士二人注云關界上之門則關蓋周制也

驛

又地官遺人之職凡國野之道十里有廬廬有飲食三十里有宿宿有路室路室有委五十里有市市有候館候館有積二十里馬舖有馭馬亭即

路室之遺事也六十里有驛驛有餽給即候館之遺事也漢自鄭莊置驛以迎送賓客故後世亭傳有驛名通典曰唐三十里置一驛其非通途大路則曰館由是通謂之館驛雖事起於周名出於漢左傳有楚子乘駟駟驛馬也則馬遞之制已見於周矣漢文帝乃詔太僕見馬餘皆給傳置也

急遞
筆談曰驛傳舊有步馬急遞三等急遞最速日行四百里唯軍興用之熙寧中又有金字牌急腳遞如古羽檄也以朱漆木牌金字日行五百里軍前

機速處分則自御前發下三省樞密莫得與也
貧子完

此事始曰開元二十二年斷京城乞兒官置病坊給廩食亦為悲田院或曰養病院記之為其所始按唐會要曰開元五年宋璟蘇頌奏悲田院養病從長安以來置使專知所稱悲田乃關釋教此是僧尼職掌至二十三年乃分置於諸寺推長安中初置使之文則知其前者矣而事始所記乃給廩食所始謂茲事之起於此者非也宋朝又因之以僧院名福田今亦曰悲田也

鼓樓

北史李崇為兗州牧，多盜崇乃村置一樓，樓上鼓以警盜賊。唐張說始設於京城之內。

阡陌

史記秦紀曰：孝公十二年開阡陌，東地渡洛。又商君傳曰：商鞅相秦，孝公壞井田，開阡陌，又始皇紀太史公曰：昭襄已立，四年初為田，開阡陌。

地里

春秋命曆序曰：神農度地形，甄度四海，東西九十一萬里，南北八十一萬里。然則炎帝始有里數矣。淮

南子則曰：萬民喜，置堯為天子，於是天下廣狹險易，遠近始有道里之起。自陶唐氏始也。按黃帝內傳有記里車，則里始於炎帝明矣。黃帝製輿，里路要害，或度數以計之，故以輿數里，風俗於之。

山海經曰：帝令豎亥步天地之東西，二萬八千里，南北，二萬六千里。淮南子曰：禹使大章步自東極至西極，二億三千五百里，七十五步，又八極之廣，東西二億三萬三千里，南北二億三萬一千里。而黃帝有記里之車，按黃帝遊幸天下，而車以記里，疑道路之紀，以里步之，軒轅時也。

封堠

拾遺錄曰禹治水所穿鑿處皆青泥封記使玄龜印其上今人聚土為界乃遺事也此封堠之始矣
 儀制令 太平興國中孔承恭為大理正上言儀制
 談苑曰太平興國中孔承恭為大理正上言儀制
 令賤避貴少避長輕避重去避來望令於兩京諸
 州要害處刻榜以揭之所以興禮遜厚風俗從之
 今京師諸門關亭皆有之而所在道途雙堠處皆
 刻之蓋自本朝孔承恭始也

地名

千頃曰萬為善置京師不毛亦不取於

項峻治書曰人皇出於提地之國則提地疑國名也於是國有名則土地國邑之名此為之始也

山川名 人皇以來土地國邑始各有名則山川之號疑亦從此起故神農興於厲山共工之觸不周炎帝以姜水黃帝以姬水此山川之名之始也書呂刑曰禹平水土主名山川注云無名者主名之於是凡山川皆名之矣山海經洎爾雅所載者是也

地圖

春秋元命包曰神農怪義生白阜圖地形脉水

道注曰怪義白阜毋之圖畫地形通水道之脉也

此今有地圖疑始於此

弓手營

宋朝會要曰咸平五年八月置縣尉司弓手營金

浮橋

春秋後傳曰周赧王五十八年秦始皇作浮橋於河
上按詩大明云造舟為梁孫炎曰造舟比舟為梁
也此舟於水加板於上今浮橋也故杜預云造舟
為梁則浮橋之謂矣爾雅釋水曰天子造舟諸侯
維舟大夫方舟士特舟夏商尚質等制之文未備

故鄭康成以為周制後傳以為秦始皇疑周有事則
造舟而秦乃繫之也

温湯

辛氏三秦記曰秦始皇與神女遊忤其旨唾之生
瘡始皇怖謝乃為出温湯洗除後人因以為驗漢
武故事曰秦皇砌而起宇武帝加脩飾焉

真壇淨社部第三十六

道觀

周穆王尚神仙召尹軌杜冲居終南山尹真人草
樓之所因號樓觀蓋觀之初也黃帝內傳西王

母授帝白玉元始真經置於高觀之上時人謂之道觀名觀之義疑取諸此隋煬帝改為玄壇後復曰觀注續事始云宋廢國學置總明觀疑自是以來道家者流擬之以名其所居也

景靈宮

宋朝會要曰大中祥符五年十一月詔以聖祖臨降令擇地建宮遂以錫慶院建約唐太清宮制度仍上新宮名曰景靈神宗元豐中又廣其制盡奉諸帝后御容也

上清宮

東坡志林曰上清宮在蘇州府城東南地

宋敏求東京記曰端拱元年二月太宗詔取晉邸時太祖所賜金帛建宮至道元年八月宮成帝御書額金填其字賜之仁宗慶曆三年十一月遭焚毀熙寧元豐間靈惠法師王太初再營之元祐初年宣仁太皇太后為出粧粉錢重建置也

東太

一

宋朝會要曰太平興國初楚芝蘭言五福太一所西在無兵疫人民豐樂凡行五宮四十五年一移自雍熙元年入黃室巽宮在吳分蘇州請築宮以祀六年十月芝蘭又言蘇州城東南地名蘇村可徙宮

以應蘇名遂詔營建注紀年通載則謂興國八年正月作也

西太一宮注黃庭宮注又曰天聖六年三月司曆言五福太一自雍熙元

年甲申及今四十五年太一行綦當入蜀郡之坤

宮曰黃庭可於國城西南別建祈宮於是詔擇八

角鎮地建西太一宮注紀年通載曰天聖六年三

月建太一宮於西郊

中太一宮注神宗熙寧初即五岳觀舊址營中太一宮蓋自仁

宗天聖六年至熙寧五年壬子四十五年五福太

一行綦自黃庭宮移入貢室之中注臨京都之中

故也

建隆觀

錢易洞微志曰周顯德中營道宮於皇城之西梁

門外賜為太清觀太祖有天下始重飾之改為建

隆注東京記內侍洪惟一入道建三官院

集禧觀

宋朝會要曰大中祥符五年九月詔下謂就南薰

門內奉節致遠三營地及填乾池之西偏建觀以

集禧觀

集禧觀

事

物

奉五岳帝七年九月詔名觀曰會靈仁宗時觀火既重建改曰集禧

池園

又曰大中祥符八年五月詔會靈觀池以凝祥為名園以奉靈為名池觀醮殿蓋太祖所建池殿舊址也

醴泉觀

東京記曰本拱聖營天禧元年營卒有見龜蛇者軍士因建真武堂二年閏四月泉湧堂側汲不竭民疾疫者飲之多愈乃詔就其地建觀十月觀成

名祥源宋朝會要曰天禧二年閏四月詔拱聖營醴泉所宜立觀以祥源為名仁宗時觀災既重立

易今名曰醴泉

萬壽觀

本玉清昭應宮東偏別殿也宋朝會要昭應宮篇

云天禧三年十一月皇后皇太子於東宮偏長生

殿置經藏以祝聖壽詔賜殿名長生崇壽五年七

天月作皇帝本命殿於宮中名萬壽仁宗朝玉清昭

應宮灾所存止此殿重加營置後以為萬壽觀也

注林希兩朝寶訓曰天聖七年七月玉清昭應宮

災止以所存長生崇壽殿為萬壽紀年通載云亦
 月也天啟元年此殿重葺
 天慶觀皇帝本命誕於宮中於萬壽宮宗廟王肅
 又曰大中祥符二年十月詔天下州府軍監關縣
 建道觀一所以天慶為名皇木七十餘家
 僧寺王肅即觀也東晉僧觀也宋時會要即觀也
 漢明帝於東都城門外立精舍以處攝摩騰竺法
 蘭即白馬寺也騰始自西域以白馬馱經來初止
 鴻臚寺遂取寺名初置白馬寺即僧寺之始也隋
 煬帝改曰道場後復曰寺

尼寺釋會要曰本時國亦蓋國風韻辭中以尼為
 僧史略曰東晉何充始捨宅安尼此蓋尼寺之起
 也齊魏天聖年主事於興寶寺魏同觀於此
 寺額齊書林西曰天監初齊書於此寺東來西入曰
 漢取鴻臚寺名置白馬寺以處僧道是以白馬為
 額耳然則僧寺名額自漢顯宗始也平觀各少師
 相國寺元林云北齊中興立會要又云太平五年
 唐房僚石幢記曰相國寺肇自中宗叶夢始置於
 茲宋敏求東京記曰本北齊太建國寺後廢唐為
 鄭審宅因病捨為招提坊神龍二年僧惠雲建為

寺延和元年睿宗以舊封相王因改為相國寺宋
朝會要曰至道中太宗御題額易曰大相國寺東
塔曰普滿唐至德二載建開寶六年太祖脩西塔
曰廣願元祐元年僧中愍立會要又云咸平五年
名後閣曰資聖東京記則云景德五年賜名也神
宗熙寧間重脩之併諸院為八東曰寶嚴寶梵
寶覺惠林西曰定慈廣慈普慈智海東京記又曰
仁濟殿天聖八年建後與寶奎殿同賜名也
景德寺
宋朝會要曰本相國寺蔬圃周顯德中以僧居隘

於此別建下院賜額天壽淳化五年別建寺門景
德二年改今額天禧四年建寺廊經樓注東京記
曰周世宗顯德五年以相國寺僧眾居隘就寺蔬
圃別建置院分居之俗號東相國寺六年賜額曰
天壽恭帝誕節名也又有觀音院峨眉僧茂正所
建
興國寺
談苑曰太平興國寺舊龍興寺也周世宗廢為龍
興倉國初寺主僧屢擊登聞鼓求復為寺上遣中
使持劔以謂之曰此寺前朝所廢為倉教以貯軍

糧汝何故煩瀆帝庭朝命斷取汝首仍戒之曰儻
偃蹇怖畏即斬之或臨刑無懼即未可既訊神色
自若引頸就戮上大感嘆復以為寺宋朝會要曰
唐龍興寺也開寶二年詔重脩太平興國元年賜
今額

傳法院

又會要曰太平興國五年詔於太平興國寺大殿
西度地作譯經院中設譯經堂東序為潤文堂西
序為正義堂自是每誕節即獻經也八年改為傳
法院按隋有翻經館唐初亦有翻譯之事元和後

廢然則太宗之置茲院亦隋翻經館也

四大寺

五代會要曰周顯德四年九月賜京城內新脩四
大寺額以天清顯靜顯寧聖壽為名聖壽後又改
曰顯聖是則四寺之始也

建隆寺

在揚州州城西北宋朝會要曰太祖征李重進於
此置砦賊平建隆二年正月詔建寺焉有御榻在
寺太祖忌日寺僧奉榻脩供大中祥符五年始於
寺建聖容殿元豐中神宗脩景靈列聖神御殿故

聖容復歸京跡豐中軒宗前景靈宮聖容歸時
崇聖寺在并州舊州城外又會要曰舊名平晉寺太祖親
征劉繼元行宮也興國中詔建寺賜名後於中設
太宗御容大中祥符二年改名崇聖
慈孝寺是開國寺之故也

又曰慈孝寺故駙馬都尉吳元家宅也天聖二年
十二月十二日詔建寺奉真宗神御初議名慈聖
四時太后號有此二字改賜今名東京記曰戒壇院
本寺園寶元初僧文且營勅戒壇慶曆五年賜額

也
開寶寺

東京記曰北齊天保十年置號獨居寺唐開元十
七年明皇東封改曰封禪寺宋朝會要曰開寶三
年三月改今名福聖院會要云初吳越王錢俶在
杭州建阿育王塔藏佛舍利歸朝於此建塔云端
拱二年成加建塔院咸平二年賜今額東京記云
本新羅僧智照所居舍利塔錢俶興國中令俞皓
造慶曆四年六月火焚之後即其舊址建閣焉成
於神宗元豐之初慈聖太皇太后以粧錢助成之

賜名慶壽崇因或曰仁宗時已為此名其額亦帝所書但藏之禁中未以賜之洎閣成遂出以榜也永安院東京記曰本號普慶太宗在晉邸重建以賜僧普潤仍奏今額

崇夏寺

東京記曰唐大中三年置建隆中石守信以寺門窄狹重造二年八月門成車駕臨幸宋朝會要守信重脩三門詔治宮材也

應天寺

後唐夾馬營也即太祖誕生之地景德二年真宗

每幸二月詔建院奉太祖神御如啟聖制度大中祥符二年賜名應天在西京之水北民間謂之瑠瑠寺也

啟聖院

即太宗誕生之地晉護聖營也太平興國六年建院雍熙元年成賜名啟聖東京記曰本晉護聖營天福四年宣祖典禁兵太宗誕聖其地興國中建院也

普安院

奉又曰普安院周顯德中建建隆初賜今額

奉先寺晉安州西門外中興寺也唐武宗時改奉先寺
普又曰奉先資福禪院即安陵卜定乾德二年改卜
五月詔就陵域置院也

資聖院太平宣統與樂其太宗瑞望其與國中數
在新并州會要又曰天禧五年真宗置嘗親征為
陣亡將士追福德神虎三部落營地造天聖初成
賜名資聖太祖太宗忌日皆就建道場

崇真院

又曰崇真院初太宗陳國長公主出家大中祥符
二年八月進封吳國號報慈正覺大師賜名清裕

九月出居是院初在建初坊後以迫隘徙城西隆
安坊即今俗謂七公主院者是也

印經院

又曰太平興國八年置印經院神宗熙寧末廢其
院以所印板賜顯聖寺里書舊事曰太宗天禧
靈宇廟貌部第三十七九二十六事

靈顯王廟

在鄭州城東僕射陂側陂本後魏孝文賜僕射李
暹冲里俗因呼僕射陂唐末建廟因陂為名俗誤傳
為李靖後唐明宗天成二年贈靖太保晉天福二

年八月勅唐衛國公李靖宜封靈顯王
顯聖王
廟在寧州真寧縣即要毋湫也漢祠官所領唐乾
符中封神為應聖侯光化二年封普濟王宋朝太
宗在晉邸有神告之應太平興國二年七月四日
封顯聖王按張緒續錦里耆舊傳曰太宗尹天府
登極前有邠州客打軍巡引見問爭由曰爭說要
無太王上曰有侵傷不均吾為平之若爭要無太
王外邊商量此蓋神告之事耳
廣濟王

在永康軍導江縣李冰廟也秦孝文王時冰為蜀
郡守自汶山壅江灌溉三郡開稻由歷代以來蜀
人德之饗祀不絕偽蜀封大安王孟昶又號應聖
靈感王開寶七年改號廣濟王

英顯王

廟在梓州梓潼縣本梓潼神也舊記曰神本張惡
子仕晉戰死而廟存唐明皇狩蜀神迎於萬里橋
追命左丞相僖宗播遷亦有助封濟順王咸平中
益卒為亂王師討之忽有人呼曰梓潼神遣我來
九月二十日城陷果克四年州以狀聞故命追封

英顯王

新息王

辰州新息王廟後漢伏波將軍馬援祠也咸平元年三月本州上言水旱祈禱有應請加封號即今號是也

廣惠王

宣州敬亭山神也宋元嘉二年有錢塘神梓華友入雙霞識之為神同住廟中縣令盛疑焚之來託此山景福中封昭威侯偽唐保大中封昭威王景德元年知州裴莊請加朝命故追號廣惠王

顯應王

在泉州是廟舊封昭德王天禧三年五月本州言歲旱禱之有應故加封號今顯應王是也

順濟王

筆談曰彭蠡小龍顯異人人能道之熙寧中王師南征有軍仗數十船泛江而南龍即伏其中乘風日數百里有司以狀聞詔封神為順濟王遣禮官林希致詔祠下

英烈王

大中祥符五年詔杭州吳山廟神宜特封英烈王

神即伍子胥時新葺廟故也

德安公

即夷門山神也景德四年十二月加封號德安公

顯應公

在京城北即崔府君祠也相傳唐滏陽令沒為神主幽冥本廟在磁州淳化中民於此置廟至道二年晉國公主石氏祈有應以事聞詔賜名護國景祐二年七月封護國顯應公

炳靈公

五代會要曰後唐長興四年七月封泰山三郎為

威雄大將軍時上不豫泰山僧進藥藥小康僧請封

之宋朝會要曰廟在兗州泰山下即泰山神三郎

也後唐詔封威雄將軍大中祥符七年十月十五

日詔封威雄將軍為炳靈公公以開張之泉之

明應公南流未安繼至皇二年十月太宗山刻之水

即在潤州即焦山大聖祠也大中祥符七年四月詔

特封明應公公以開張之泉之

靈惠公公以開張之泉之

在鄒州烏聊山即唐越國公華神也郡人立祠大

靈中祥符二年詔加靈惠公封

靈濟公

在梓州射洪縣即瀘州刺史陸弼神也弼貶瀘州
有善政卒土人為立廟水旱請禱偽蜀封洪濟王
大中祥符六年九月詔封號靈濟公也

昭應公

即在河南府永安縣至道二年十月太宗山陵乏水
牛山下忽有泉湧山陵使元份以聞詔立廟泉側
賜名昭聖景德四年特封昭應公
嘉應侯 神會要曰陳五交州泰山下昭泰山縣三首
熙寧間百姓共立東岳張太尉祠於國城之外東

南陽俗傳神姓張氏淮陰人死隸岳神主陰府要

職京東州郡往往有祠世謂張舍人者是也至此

號太尉元豐中光獻太皇太后祈有感始封嘉應

侯號

靈惠侯

元豐時國城之西民立灌口二郎神祠云神永康
導江縣廣濟王子王即秦李冰也會要所謂水次
子即君神也今上即位勅封靈惠侯

東嶽諸祠

大中祥符元年十月十五日詔封泰山上通泉廟

為靈派侯亭其山為廣禪侯嶧山神為靈巖侯
普濟廟

在京城西南隅景福坊即九龍堂也大中祥符四
年六月十九日詔令完葺因賜名普濟廟也

靈澤廟
在鎮戎軍朝那湫即龍廟秦漢所祠湫淵也天禧
二年四月八日賜廟名靈澤

顯靈廟
在河南府永安縣安陵東北即蛇王祠也景德四
年二月賜廟名顯靈

靈惠廟
在永安門徘徊泉上即泉神也大中祥符五年江

守訓立廟遂賜靈惠名焉

靈源廟

在衛州共城縣即百門水所出也唐長安中置廟
咸平元年春祈雨有應四月詔賜廟額曰靈源

豐寶廟

景德三年九月解州上言兩池左右祠廟請易題
額詔取圖經所載者賜額遂改解縣池龍廟額曰
豐寶安邑曰資寶分雲廟曰廣惠注自此以上除

嘉應靈惠二侯外其不原所出者皆出宋朝會要

生祠 漢於公為縣吏曹決獄平郡中為立生祠自三代

而來無生為立祠者至此始見茲事則生而立祠

始於漢世也 道釋科教部第三十八九四十五事

道釋

漢自桓帝考濯龍之宮設華蓋以祀浮圖老子由

此釋道二教稍稍興矣逮晉室其道始盛東遷之

後三教峙立此釋道之所起也

符籙

龍魚河圖曰天遣玄女下授黃帝兵信神符制伏

蚩尤黃帝出軍決曰蚩尤無道帝討之夢西王母

遣人以符授之帝悟立壇而請有玄龜斷符從水

中出置之壇中蓋自是始傳符籙也

金寶牌 宋朝會要曰天禧元年四月詔內出聖祖神化金

寶牌分給在京宮觀及外州名山聖跡之處面文

曰玉清昭應宮成天尊萬壽背文曰永鎮福地帝

自封之命中使送諸路天慶觀今諸郡道正副所

符籙

符籙

符籙

符籙

符籙

符籙

掌者是

道士 王肅引漢書曰天尊尊壽者又曰朱鮪語武帝
 黃帝內傳有道士行禮之文此疑謂有道之士也
 樓觀本記曰周穆王因尹真人草樓之觀召幽逸
 人居之謂之道士平王東遷置七人漢明帝永平
 七年置二十七人晉惠度四十九人審此即是自周
 而有也司馬遷班固叙秦漢甚詳洎春秋以來殊
 無一人以一言彷彿道茲事者亦為可疑矣然范
 曄後漢書於光武紀論始有言道士西門君惠李
 守等云劉秀為天子蓋前漢末事則道士之物當

此矣注列仙傳又有道士浮丘公接周靈王太子
 箕上嵩高山者

道錄

續事始引仙傳拾遺曰隋文帝始以玄都觀主王
 延為威儀唐置左右兩街宋朝會要曰唐有左右
 街威儀周避諱改為道錄宋朝因之
 都監

又曰太平興國中增置副道錄都監首座通舊為
 八員以上總知教門公事

首座

首又曰首座亦太平與國中增置

鑒義員以土縣破塔門公憲

又曰天禧五年置首座鑒義分領本街事

道官

唐高宗時葉靜能入直翰林為國子祭酒姪孫法

善玄宗時授銀青光祿大夫鴻臚卿又尹愔亦拜

諫議大夫道士之命以官自高宗始也宋朝會要

道曰開寶五年十二月賜道士玄秘大師馬志通議

大夫階

道封

後周武帝時衛元嵩封蜀郡公蓋道士受封之始也葉法善玄宗時亦封越國公

道贈

唐王知遠贈昇玄先生葉法善贈金紫光祿大夫

越州都督道士之褒贈蓋自王知遠始也

道謚

梁代陶洪景死賜謚正白先生則道之謚自梁陶

隱居始也

道號

元魏世祖時賜寇謙之天師之號後漢張道陵亦

有_レ天師之稱蓋自_レ列子言_レ黃帝之稱牧馬童子曰_レ天師始也唐玄宗賜_レ李含光曰玄靜先生此賜號先生之始也宋朝緣唐事亦有賜號先生處士者真宗陳搏賜號希夷先生神宗時張璪賜號冲靖直處士是也

道紫

唐中宗神龍初葉靜能雖加_レ金紫之階而未_レ頒紫衣至代宗時李泌立大功李輔國將不利之泌乞為道士許之又賜紫衣其後道士賜紫自李泌始也朝野僉載曰史崇玄附太平公主授鴻臚卿衣

紫羅裙帔蓋雖衣之而未賜也

佛像

漢書霍去病過焉耆山得休屠王祭天金人顏師古注云作金人為天神之主今佛像是其遺法後漢明帝夢金人長大頂有日光傳毅曰天空有其道者號曰佛於是遣使天竺圖其形像此中國有佛像之始也宋書云漢世始有佛像也

佛塔

高僧傳曰康僧會吳赤烏十年至建業孫權使求舍利既得之權即為造塔晉帝過江更修飾之此

蓋中國造塔之始也

佛經即白馬經會昌赤鳥十平至其業終對其來

將漢明帝永平中摩騰竺法蘭以白馬馱經至東都

即四十二章經中國之有佛經此蓋其始也鄴城

舊事云永平十年經像初來也

譯經即帝慈金人是大可百日大對經曰天竺亦其

漢自永平後摩騰首譯四十二章經歷魏晉南北

朝皆有翻經館唐置譯經潤文之官元和後廢宋

初朝太宗興國中復興其事置譯經院也

談禪畢鉢地蓋無之而未觀力

寶林曰佛涅槃時告迦葉曰吾清淨法服以付汝

迦葉傳阿難二十八代至達摩梁普通中自南天

竺泛海至廣州後止崇山住少林寺傳惠可中國

談禪自此始也

讚唄

僧史略曰讚唄原始按十誦律中俱胝耳作三契

聲以讚佛後趙石勒時建平神降安邑諷詠經音

七日方絕僧有摹寫為梵唄焉此讚梵之始也續

搜神記曰晉太元中竺曇遂死作清溪廟神諸道

人詣廟便靈語云久不聞唄聲其伴惠範為作之

即是自晉已有讚唄非始於石勒是也

戒律

又曰漢靈帝建寧三年安世高首出義决律二卷次有比丘諸禁律魏世天竺三藏曇摩迦羅到許洛慨魏竟僧無律範遂於嘉平中與曇諦譯四分羯磨及僧祇戒心圖此蓋中國戒律之始也

戒壇

又曰漢魏之僧雖剃染而戒法未備唯受三歸嘉平正元中既傳戒律立太僧羯磨法斯蓋比丘立戒壇之始也又曰起於南朝求那跋磨為宋國比

丘於蔡州岸受戒為始自爾南北相次為壇受戒

又曰此方受戒自魏朱士行為之首也

尼壇

又曰受戒初本僧尼同壇本朝太祖不許尼往僧中自是始別為壇宋朝會要曰開寶五年二月詔自今尼有舍度者只許於本寺起壇受戒蓋自此始別立尼受戒壇也

尼戒

薩婆多師資傳曰宋元嘉十一年師子國尼鐵索

羅等於建康南林寺壇上為景福寺尼惠果淨音
等受戒法事此方尼受戒自惠果等始也

僧

後漢明帝遣蔡愔等往天竺訪僧法於彼見摩騰
乃要還漢地此中國有僧之始也僧史略曰漢明
聽陽城侯劉峻等出家此又中國之人為僧之始
也注新唐書傅奕上疏曰浮圖法漢明始立胡祠
然惟西域桑門自傳其教西晉已上不許中國削
髮事胡石符亂華乃弛厥禁此疑中國為僧之始
尼

僧史略又曰漢明帝既聽劉峻等出家又聽洛陽
婦女阿潘等出家此蓋中國尼之始

稱釋

高僧傳曰出家從師命氏晉道安受業佛圖澄澄
姓帛氏安以師莫過佛遂以釋為姓僧之稱釋自
道安始也

度牒

僧史略曰度牒自南北朝有之見高僧傳名籍限
為必有憑由憑由即今祠部牒也唐會要曰天寶
六年五月制僧尼令祠部給牒則僧尼之給牒自

唐明皇始也

空名度牒自唐肅宗始也
唐食貨志曰肅宗至鳳翔明年鄭叔清議以天下費用度不充諸道得召人納錢給空名度牒道則是空名度牒自唐肅宗始也

僧隸

唐會要曰武后延載元年五月十一日勅天下僧尼隸祠部此祠部轄僧之始也唐志亦云

僧帳

又曰舊制僧尼簿三年一造其籍一本送祠部一

本留州縣又開元十七年八月十日勅僧尼依十六年舊籍則僧尼供帳始於此耳僧史略曰唐文宗大和四年正月祠部請天下僧尼具名申省以憑入籍入籍造帳自太和始也二文不同以會要為正本朝用周顯德事三年一造帳定著於令

僧講

僧史略曰僧講自朱士行魏代講道行經始也

尼講

又曰東晉廢帝大和三年洛陽東寺尼道馨通法華維摩研窮理味一方宗師此則尼講說之始也

僧謚

洪明集曰後魏太祖時法果卒謚趙胡靈公此僧
賜謚之始也宋朝會要曰咸平三月八日梵僧法
賢卒謚慧辨四年法天卒謚元覺其後施護卒亦
謚明悟也

道林謚

真宗寶錄曰大中祥符六年六月甲申詔謚誌公
真覺大師且加為道林真覺大師注宋敏求東京
僧記曰祥符五年謚真覺大師
明覺謚

僧封

又曰大中祥符六年六月戊子詔泗州僧伽大師
且加號普照明覺大師

洪明集曰元魏封法果輔國且城子果加忠信侯
安城公唐封不空肅國公僧之得封自後魏太祖
始也

僧贈

元魏法果卒贈老壽將軍趙胡靈公此其始也唐
亦贈不空司空

僧官

事物紀原卷十
自隋文帝以沙門彥琮為翻經館學士後始命僧以官及唐又以不空為開府儀同三司試鴻臚卿宋朝會要曰太宗時法賢雍熙四年加試光祿卿階朝散大夫其後法天累試鴻臚卿亦加朝散大夫及惟淨以故吳王煜弟從鑑之子為梵學筆受大中祥符後同譯經為試光祿卿也宋太祖朝僧元霽亦加朝散大夫階也

僧錄

廣洪明集曰後魏太祖始中以沙門法果為統管攝僧徒文帝以師賢為僧統參玄語錄曰後秦

姚萇立道碧音為僧正秩同侍郎法欽慧斌掌僧錄給事同吏人此僧立正錄之始也又元魏以沙門僧顯為京師統隋天下分置十統呼上統或曰大統唐羅統立兩錄司於京邑謂之僧錄

僧號

後秦鳩摩羅什始號法師其後中國名僧亦稱之晉朝講經草堂寺有廟臣太德沙門千餘人此始有大德之呼後趙石虎號佛圖澄曰大和尚此稱和尚之始也晉初鳩摩羅炎東渡龜茲王請為國師姚興迎羅什待以國師之初也梁勅慧約云允

事物紀原卷七
膺闍梨之尊屬當智者之號此師號之起也唐中
宗神龍二年號萬迴曰法靈公姚秦又號羅什為
大師則大師之名蓋起於此唐僖宗廣明中賜僧
知玄號悟達國師僧徹淨光大師可符法智大師
德宣演暢大師自此始為朝廷寵渥之命見事始云
僧紫

事始云代宗實錄曰大曆三年僧惠崇內賜紫袈
裟記以為僧賜紫衣之始按贊寧僧史略曰則天
朝僧法朗譯大雲經陳符命言法朗等皆賜紫袈
裟則僧之賜紫自天后始也不然唐會要安得開

元二十年波斯王遣僧及烈至唐勅賜紫袈裟還
外國之事也蓋僧賜紫不起於代宗明矣

僧褐

僧史略曰漢魏之世出家者多着赤布僧伽梨又
秣陵諸僧衣色倣西竺後周忌聞黑衣之讖悉屏
黑色着黃色衣謂今僧衣褐起於宇文周制注按
北齊忌黑文宣煞弟煥以七近漆屬黑後果敗於
宇文黑獺然則非後周也

筆受

宋朝會要曰太平興國七年六月譯經院成譯經

詔梵學僧筆受綴文七月詔左右街義學僧詳定十二月選梵學沙門一人為筆受義學沙門十人為證義其後以惟淨為梵學筆受自此其始也談苑曰譯經常以梵僧後冷惟淨同譯經梵學筆受二人譯經綴文二人證義八人唐世翻譯有筆受官以朝臣為之佛陀多羅之譯圓覺經也房融為筆受是矣宋朝太宗始用梵學僧也

伎術醫卜部第三十九 九二十二事

黃帝內傳曰帝既昇為天子命勾芒等司五行於

是針經脈訣天文地理卜法算術吉凶喪葬無不備也凡伎術皆自軒轅始

醫

帝王世紀曰黃帝使岐伯主典醫藥以療眾疾說文曰巫彭初作醫呂氏春秋亦曰巫彭作醫

醫書

皇甫謐帝王世紀曰黃帝命雷公岐伯教制九鍼著內外經素問之書咸出焉黃帝內傳曰帝昇為天子鍼經脈訣無不備也故金匱甲乙之類皆祖

黃帝

方書

世諸方書藥法雖損益隨時太抵祖述黃帝如脉訣之出於晉王叔和病源之出於隋巢元方湯液經之出於商伊尹傷寒論之出於漢張機千金備急出於孫思邈外臺秘要出於唐王燾宋朝太宗求天下名方集太平聖惠其餘紛紛無代無之高氏小史曰炎帝作藥方以救時疾

小方

孫思邈千金方曰小兒六歲以下黃帝無說中古有巫妨始撰顛顛經以占壽夭自茲始有小方則

小兒方藥始於巫妨也

難經

帝王世紀曰黃帝命雷公岐伯論經脉旁通問難八十章為難經楊元操難經序曰黃帝八十一難經者秦越人所作按黃帝內難二秩秩九卷其義難究越人乃採精要八十一章為難經

本草

帝王世紀曰炎帝嘗味草木宣藥療疾者本草四卷至梁陶洪景唐李世勣等注叙為二十卷宋朝開寶中重校定仁宗嘉祐中命掌禹錫等集類諸

家叙藥之說為補注本草唐書于志寧傳云漢班固惟記黃帝內外經不載本草齊七錄乃稱之世謂神農嘗藥黃帝以前文字不傳以識相付至本桐雷乃載篇冊然所載郡縣多漢時疑張仲景華佗輩記其語梁陶洪景本草序云此書應與素問同類其餘多與志寧之說同也

百藥十神農始嘗百草之滋味當此之時一日淮南子曰神農始嘗百草之滋味當此之時一日而七十毒世本曰神農和藥濟人則百藥蓋自神農始也世紀或云伏羲嘗味百藥非也梁陶洪景

本草序曰神農氏王天下宣藥療疾以拯夭傷高氏小史曰炎帝嘗百藥以治病嘗藥之時百死百生

九鍼天官本草帝王世紀曰太昊畫八卦以類萬物之情六氣六腑五藏五行陰陽四時水火升降得以有象百物之理得以有類乃制九鍼又曰黃帝命雷公岐伯教制九鍼蓋鍼灸之始也明堂血氣今醫家記鍼灸之穴為偶人點誌其處名明堂按

銅人腧穴圖序曰黃帝問岐伯以人之經絡窮妙
於血脉參變乎陰陽畫其言藏於金蘭之室洎
雷公請問乃坐明堂以授之後世之言明堂者以
此

醫獸 續事始曰黃帝時有馬師皇者善醫馬通神明故
周禮天官有獸醫夏官有巫馬之職也

日者 史記日者傳注云古人通卜筮則謂之日者其事
則周太卜之職也墨子將北之齊過日者注謂當

是周末語然也

龜曰卜事始曰庖犧氏時始有卜春秋元命包曰
古者司經主卜也

筮 著曰筮世本曰巫咸作筮古史考曰商時巫咸善
筮也呂氏春秋亦云巫作筮歸藏曰女媧作張雲
幕而枚一作致占書舜曰龜筮協從蓋筮誠巫咸所作則
歸藏與書安得言筮也古史考曰庖犧氏作卦始
有筮此蓋其初也

三式

風后演河圖為一千八百局曰遁甲周太公約為七十二漢張良定為一十八以六甲相遁而起故名遁甲并太一示壬是為三式黃帝內傳曰王母使玄女授帝法有九夫九地八門六甲之術即今遁甲也蓋自黃帝始

占歲

世本曰后益作占歲呂氏春秋亦云爾師曠占乃有黃帝欲知歲苦歲樂歲善而占有蓬萊艾先生之說即占歲為起於黃帝

雜占

晉律曆志曰黃帝使羲和占日常儀占月申區占星氣呂氏春秋曰羲和作占日常儀作占月

靈碁

異苑曰十二碁卜出自張文成受法於黃石公蓋今靈碁也法以十二子分上中下擲之據所得按法驗之以考古凶注文成張子房之謚也唐事遠碁經序曰靈經不知其所起或云漢武帝東方朔使之占兆無不中朔之術蓋用此又云張子房所師黃石公以之授良又云客以術干淮南王王

事物紀原卷之十一
四十一
祕其事亦此書也

畫
易通卦驗曰宓犧方牙倉精作易無書以畫事注
云作易以為政而不書但畫其形此畫之起也世
本曰史皇作圖宋衷云黃帝臣圖謂畫物象也或
曰史皇即蒼頡呂氏春秋亦曰史皇作畫

射御

易繫九事稱黃帝作弧矢以威天下又曰服牛乘
馬引重致遠則射御皆始於黃帝也世本曰臣胘
作服牛相土作乘馬胘作駕宋衷云皆黃帝臣又

曰韓哀作御謂加精巧逢蒙作射謂改制也呂氏
春秋作韓哀作御也

規矩

尸子曰古者倮為規矩準繩使天下倂焉倮黃帝
時巧人

百巧

山海經曰帝俊生身身生義均義均是始為巧倮
始作百巧也

故於百也

山與野曰希野也

百也曰

都人曰

天子曰

賦

春

事物紀原卷七終



